

UGOVOR O JAVNOJ NABAVCI USLUGA

Zaključen dana 01.07.2020. godine u Sarajevu između:

KJP "Sarajevo-šume" d.o.o. Sarajevo, ul. Maršala Tita 7/II, Sarajevo (u daljem tekstu: **Naručilac usluga**), koga zastupa Direktor Preduzeća, Joldo Amir, dipl. ecc.

Intesa San Paolo Banka d.d. Bosna i Hercegovina sa sjedištem u Sarajevu, ul. Obala Kulina bana br.9/a, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-20-003954 od 08.06.2020. godine, ID broj: 4200720670007, PDV broj: 200720670007 (u daljem tekstu: **Izvršilac usluga**), koga zastupa: Krkalić Almir-Predsjednik uprave, Izmirlija Edin-član uprave.
(u daljem tekstu: **Ugovorne strane**)

Član 1.

Ovim se Ugovorom Izvršilac usluga obavezuje staviti na raspolaganje Naručiocu usluga novčana sredstva u vidu kreditnog plasmana-kratkoročnog kredita u iznosu od 400.000,00 KM (slovima: četiristotinehiljada KM), sa rokom otplate od 12 (dvanaest) mjeseci, a Naručilac usluga se obavezuje Izvršiocu usluga platiti ugovorene naknade, kamate i vratiti dobiveni iznos novca u vrijeme i na način kako je utvrđeno ovim Ugovorom, a u svemu prema ponudi Izvršioca usluga protokolisanom kod Naručioca usluga pod brojem: 0103-300-5/20 od 11.06.2020. godine i specifikaciji usluga po vrsti i jediničnim cijenama, koja je prilog ovog Ugovora i njegov sastavni dio.

Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku usluga broj: 0103-300-7/20 od 11.06.2020. godine, Zapisnika o pregledu i ocjeni ponuda broj: 0103-300-8/20 od 19.06.2020. godine i pravosnažne Odluke o izboru najpovoljnijeg ponuđača, broj: 0103-300-9/20 od 19.06.2020. godine.

Član 3.

Ukupna vrijednost usluga iz člana 1. ovog Ugovora iznosi 17.558,01 KM (slovima: sedamnaesthiljadapetstopešestosam i 1/100 KM), a obuhvata ukupne troškove kredita – kamate i naknade za obradu kredita i realizaciju kredita, kao i druge neophodne troškove u vezi sa realizacijom kratkoročnog kredita u iznosu od 400.000,00 KM.

Član 4.

Izvršilac usluga odobrava kredit u iznosu iz člana 3. ovog Ugovora uz godišnju redovnu kamatnu stopu u iznosu od 3,51 %.

Član 5.

Naručilac usluga je dužan platiti Izvršiocu usluga jednokratno i unaprijed naknadu za obradu kreditnog zahtjeva u iznosu 0,88 % od iznosa odobrenog kredita.

Član 6.

Izvršilac usluga se obavezuje da iznos kredita iz člana 1. ovog Ugovora prenosi sukcesivno prema zahtjevima naručioca usluga na transakcijski račun Naručioca usluga otvoren kod IntesaAn Paolo banke d.d. Bosna i Hercegovina kao Izvršioca usluga.

Član 7.

Rok otplate kredita je 12 (dvanaest) mjeseci na revolving osnovi, prema mogućnostima Naručioca usluga unutar roka utvrđenog za korištenje i povrat kredita.

Član 8.

Kao osiguranje urednog ispunjenja svih (glavnih i sporednih) obaveza iz ovog Ugovora Naručilac usluga će prije plasiranja kreditnih sredstava Izvršiocu usluga obezbijediti 12 blanco potpisanih mjenica uz mjenične izjave i po 12 blanco potpisanih transakcijskih naloga.

Član 9.

Naručilac usluga se obavezuje da instrumente obezbjeđenja kreditnog plasmana iz člana 8. ovog Ugovora neće dodatno opteretiti po novom dugu bez prethodno pribavljene pismene saglasnosti Izvršioca usluga.

Član 10.

Na osnovu ovog Ugovora Naručilac usluga i Izvršilac usluga će zaključiti Ugovor o kreditu kojim će detaljno regulisati međusobna prava i obaveze nastale povodom odobrenog kredita iz člana 1. ovog Ugovora.

Član 11.

Ugovorne strane konstatuju da je Izvršilac usluga prije zaključenja ovog Ugovora dostavio ovjerenu fotokopiju dozvole za rad, broj: 01-49-11/97 izdatu od Agencije za bankarstvo FBiH i kopiju Uvjerenja za osiguranje depozita izdatu od Agencije za osiguranje depozita BiH.

Član 12.

Izvršilac usluga u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Komisija za javne nabavke Naručioca usluga, najmanje 6 (šest) mjeseci po zaključenju Ugovora, odnosno od početka realizacije Ugovora.

Član 13.

Za sve što nije regulisano ovim Ugovorom primjenjivat će se pozitivni zakonski i podzakonski propisi koji regulišu ovu oblast.

Član 14.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 15.

Ovaj Ugovor se zaključuje na određeno vrijeme na period od 12 (dvanaest) mjeseci od dana potpisivanja od strane obje ugovorne strane.

Član 16.

Ovaj Ugovor je sačinjen u 6 (šest) istovjetnih primjeraka od kojih 4 (četiri) zadržava Naručilac usluga, a 2 (dva) primjerka Izvršilac usluga.

<p>Za Izvršioca usluga:</p> <p> Predsjednik uprave</p> <p>Krkalić Almir</p> <p>Član uprave</p> <p>Izmirlija Edin</p>	<p> Bosna i Hercegovina</p>	<p></p> <p>Za Naručioca usluga:</p> <p> DIREKTOR</p> <p>Jolida Amir, dipl. ecc.</p> <p> Izvršni direktor oblasti za šumarstvo</p> <p>Tabaković Rizo, dipl.ing.šum.</p> <p> Izvršni direktor oblasti za opšte poslove</p> <p>mr. sci. Muamer Bešlija</p>
---	--	---

Broj: 11-90/20
Datum: 07.07.2020. godine

Broj: 0103-300-10/20
Datum: 01.07.2020. godine